

Isnin, 2 Ogos 2021, 3:21pm

Sesi akademik program Asasi, Diploma dalam talian mulai Ogos

[Rafidah Mat Ruzki](#) - Julai 30, 2021 @ 6:14pm

fidahruzki@bh.com.my



Foto hiasan

PUTRAJAYA: Aktiviti pengajaran dan pembelajaran pelajar baharu bagi program Asasi dan Diploma untuk Sesi Akademik 2021/2022 akan dijalankan sepenuhnya secara dalam talian mulai bulan depan.

Kementerian Pengajian Tinggi (KPT) dalam kenyataan hari ini, berkata keputusan itu dibuat dengan mengambil kira situasi semasa negara.

Kenyataan itu menyebut, KPT komited menjayakan aspirasi kerajaan ketika Pelan Pemulihan Negara (PPN) bagi menangani penularan wabak COVID-19.

"Bagaimanapun, universiti awam (UA) boleh mempertimbangkan kemasukan pelajar Asasi dan Diploma ke kampus secara fizikal bermula Oktober 2021 atau pada semester berikutnya, bergantung kesediaan dan ketetapan UA masing-masing," katanya.

Sebarang pertanyaan boleh menghubungi Bilik Gerakan COVID-19 KPT yang dibuka 24 jam di talian 03-8870 6777/6949/ 6623/6628 selain melayari laman web Institusi Pengajian Tinggi (IPT) atau terus menghubungi Pegawai Penyelaras di IPT masing-masing.